



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 01-03/02-04-25258-226/21  
Sarajevo, 02.9.2021. godine

**SKUPŠTINA KANTONA SARAJEVO**  
**n/r Okerić Elvedina, predsjedavajućeg Skupštine Kantona Sarajevo**

**PREDMET: Odgovor na zastupničku inicijativu, dostavlja se**

Cijenjeni,

**Zastupnik** u Skupštini Kantona Sarajevo Damir Marjanović je na 40. Radnoj sjednici Skupštine Kantona Sarajevo održanoj dana 09.8.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20), pokrenuo **zastupničku inicijativu:**

„*Da Vlada Kantona Sarajevo i Ministarstvo za odgoj i obrazovanje uspostave „Covid semafor“ (po ugledu na postojeći austrijski model) kao modus djelovanja institucija predškolskog, osnovnog i srednjeg obrazovanja u narednoj školskoj 2021/2022. godini.*“

**Odgovor:**

Cijenjeni,

unapređenje kvaliteta obrazovanja i promoviranje temeljnih načela odgoja i obrazovanja jesu zadaci Ministarstva za odgoj i obrazovanje, a siguran povratak učenika u školske klupe tokom trajanja pandemije COVID -19 je naš prioritetni cilj.

Ministarstvo za odgoj i obrazovanje, u cilju adekvatnog i blagovremenog planiranja realizacije odgojno-obrazovnog procesa u školskoj 2021/2022. godini u okolnostima pandemije COVID-19, nastojalo je da ponudi rješenja koja bi trebala nadolazeću školsku godinu prilagoditi vremenu pandemije. S tim u vezi, ministrica je imenovala petočlano Koordinaciono tijelo koje je potom organiziralo i koordiniralo šest tematskih ekspertnih grupa koje su radile na izradi Priručnika za organizaciju i realizaciju odgojno-obrazovnog procesa u okolnostima pandemije COVID-19, a koji je objavljen 16.7.2021. godine. Priručnik sadrži upute i preporuke za izvođenje redovnog nastavnog procesa tokom nove školske godine u vrijeme pandemije COVID-19, s ciljem olakšavanja organizacije rada i osiguranja potrebne podrške za siguran povratak u škole, kako učenika, tako i prosvjetnih radnika. Izradi Priručnika se pristupilo nakon provedenog istraživanja Radne grupe za zaštitu psihofizičkog zdravlja učenika i nastavnika u junu tekuće godine, pri čemu su korišteni upitnici podijeljeni u tri grupe, na uzorku od 11.041 ispitanika.

Upute i preporuke za odvijanje nastavnog procesa možete pronaći u pomenutom Priručniku na web stranici Ministarstva.




Uz Priručnik, Ministarstvo je objavilo i Uputstvo o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2021/2022. godini.

Prethodno pomenuti akti, pored zakona i podzakonskih akata, čine referentni okvir za organizaciju odgojno-obrazovnog procesa, kao i Zaključak Vlade Kantona Sarajevo broj 02-04-31997-5/21 od dana 26.8.2021. godine, Preporuke za škole za školsku 2021/2022. godinu Federalnog kriznog štaba, Preporuke za škole u kontekstu COVID-19 za školsku 2021/2022. godinu izdate od Zavoda za javno zdravstvo Federacije Bosne i Hercegovine, naredbe, mjere i zaključci Vlade Kantona Sarajevo.

U vezi prethodno navedenog, nastava u školskoj 2021/2022. godini je počela 01.9.2021. godine i odvijat će se u učionicama uz poštivanje mjera i preporuka Vlade Kantona Sarajevo, kao i federalnih i kantonalnih organa uprave.

Ministarstvo za odgoj i obrazovanje Kantona Sarajevo će pratiti stanje i razvoj situacije u vezi pandemije COVID-19 i u interakciji sa odgojnim i obrazovnim ustanovama poduzimati neophodne mjere u prevenciji očuvanja zdravlja učenika i prosvjetnih radnika.

S poštovanjem,



MINISTARICA

**Naida Hota-Muminović**

Dostaviti:

- ✂ 1. Naslovu;
- 2. A/a

Pripremila: Nermana Šehović

Saglasna: Nihada Čolić



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1

